

Troisième avertissement à messieurs les prévost des marchands et eschevins de Paris. Contenant la trefve ou paix generale preditte par Michel Nostradamus. Avec tous les avantages que le cardinal Mazarin pretend sur les affaires de France & sur la monarchie chrestienne...

Autre(s) titre(s) Mazarinade. 1651

Advertissement aux Parisiens sur la fuite, & le retour funeste du cardinal Mazarin

A Paris. Chez Jean Brunet. M.DC.LI

Description 24 p. -in-4 *****

Notes Titre de départ : "Advertissement aux Parisiens sur la fuite, & le retour funeste du cardinal Mazarin. Predict par Michel Nostradamus"

3e des douze pamphlets de Jacques Mengau, dont le nom apparaît au privilège (cf. Moreau 446)

Portrait au titre

Citation de plusieurs quatrains de Nostradamus

Sujet France+* 1643.....- 1715.....+:1643-1715:Louis XIV

Exemplaire 1

Cote et fonds 4-LB37-1892, Tolbiac - Rez de jardin - Magasin

BENAZRA Pag. 221

TROISIÈME ADVERTISSEMENT

115
39^e **A MESSIEVRS** 85^a

LES PREVOST DES MARCHANDS
ET ESCHEVINS DE PARIS. *Jacques Mangon*

Contenant la Trefve ou Paix generale preditte par
Michel Nostradamus. Avec tous les aduantages
que le Cardinal Mazarin pretend sur les affaires
de France & sur la Monarchie Chrestienne,
ainsi que l'Auteur vous auoit promis.



A PARIS.


Chez IEAN BRUNET, rue neuve sainte Anne
au Palais, proche le Dauphin.

M. DC. LI.

AVEC PRIVILEGE DV ROY.

Extrait du Priuilege du Roy.

PAR grace & Priuilege du Roy, donné à Paris le dixiesme iour de May 1649. Signe, Par le Roy en son Conseil, **GVITONNEAV**. Il est permis à **M. IACQUES MENGAV**, Professeur és Mathematiques, de faire imprimer vn *Dictionnaire seruant à l'explication des mots les plus difficiles desquels les Anciens Cosmographes, Geographes, & Astronomes ont parlé fort obscurément, soit par Enigmes, Emblemes, Paraboles, que par Figures.* Portant deffences à tous autres Imprimeurs & Libraires de contrefaire les Oeuures dudit **MENGAV**, pendant dix ans, à peine de deux mil liures d'amende, de confiscation des Exemplaires, & de tous interets, comme plus à plein est contenu audit Priuilege. Et par ce que **Iean Boucher** qui a imprimé les deux premieres parties, auroit mis en suite de mon Priuilege, que ie le luy auois remis & transporté pour le temps de dix ans (ce que non) ie n'ay pas voulu qu'il trouuillast plus pour moy.



ADVERTISSEMENT AUX PARISIENS
Sur la Fuite, & le Retour funeste du Cardinal Mazarin.
Predict par Michel Nostradamus.



ESSIEURS,

On dit qu'un nommé Janus Citoyen Romain fit la recherche de tous les gens de bien & des meschants qui estoient dans la Ville de Rome, pour cet effet il en fit deux Catalogues, dans le premier, il mit le nom de ceux qui estoient gens de bien, & dans le second celuy des meschants, & apres cela commanda à son heritier de donner ces deux Catalogues apres sa mort aux Senateurs Romains, & les prier quand ils auroient quelque chose à donner de ne la bailler point à ceux qui estoient nommez dans le second Catalogue: parce qu'il les auoit conneus meschants & infidelles: mais bien à ceux qui estoient nommés dans le premier, parce aussi qu'il les auoit conneus gens de bien & tres fideles, son fils ne manque point incontinent apres la mort de son pere d'effectuer ses commandemens, baillie ces deux Catalogues aux Senateurs Romains & les prie conformement à ce que son pere luy auoit commandé,

les Senateurs jaloux de recompenser tous ceux qui luy donnoient quelques bons aduis pour le bien de la Re-
publique ayant reconneu quelque temps apres que ce
que Ianus auoit escrit estoit veritable chercherent les
moyens de le recompenser; mais comme Ianus estoit
mort, furent en peine comme quoy ils le pourroient
recompenser, qu'enfin ils trouuerent ne pouuoir faire
mieux que de luy dresser vne Statuë à sa memoire dans
le Temple de Diane; le Statuë fut dressée: mais à deux
faces; pour tesmoigner qu'il auoit preueu & le present
& l'aduenir. Je ne veux pas dire par là Messieurs, que
vous dressiez vne Statuë à ma memoire, pour vous
auoir donné aduis du dessein que le Cardinal Mazarin
à contre Paris & le Parlement, mais seulement que
vous imitez nostre Roy que Dieu nous a donné, le-
quel quoy que ieune ne dit iamais ceux qui luy ont
confié quelque chose en secret pour le bien de son estat
& de sa perlonne, c'est à luy aussi qu'on dressera vn
iour des Statuës à sa memoire, non seulement dans
Paris, mais encores dans la Ville de Rome, ce sera
apres qu'il aura esté receu Roy des Romains & chassé
les Turcs hors de la terre d'Italie & fait quitter le sie-
ge de la Ville de Rome, ainsi que l'Oracle a remarqué
dans ses Propheties, centurie cinquieme, quatrain
treize

Par grand fureur le Roy Romain Belgique

Vexer vouldra par Phalange barbare

Fureur grinssant chassera gens Lybique

Depuis Pannous iusques Hercules la Hare.

Par ce Quatrain, l'on voit comme le Roy sera vn
iour

iour Roy des Romains, qu'il faut entendre par ces mots, *Par grand fureur le Roy Romain Belgique*, dautant que la Belgique est vne partie de la France qui se prend du costé des Allemagnes dont la Ville de Paris est la Capitalle, de maniere que le Turc ayant assiegé la Ville de Rome, le Roy les chassera bien loing, qu'il faut entendre par ces mots, *Fureur grinssant chassera gens Lybique*, Depuis Pannous iusques Hercules la Hare, il faut entendre par Lybique cette nation Turc, qui est du costé de l'Afrique, la plus inique & plus meschante qui fut iamais entre tous les Turcs, ainsi qu'à remarqué Isidore, par le mot de *Phalange*, faut entendre grande armée Turc que ou plusieurs armées, de ce qu'anciennement les Macedoniens separoient d'ordinaire leurs armées en bataillons composez de huit mil hommes qu'ils appelloient *Phalanges*, la Majesté les chasseta iusques à la Mesopotamie, qu'il faut entendre par ces mots, *Depuis Pannous iusques Hercules la Hare*, il faut entendre par ce mot de *Pannous*, les Hongres qui estoient vne nation d'Allemagne presque iuincible: cette terre confronte la Mer Norique du costé d'Occident, & du costé du Septentrion l'Allemagne & le Danube, cette terre estoit anciennement diuisée en deux parties, en superieure & inferieure; la superieure confrontoit la Mer Norique & du Septentrion l'Allemagne & du Midy la Mer Illirique, dont la Ville de Vienne en occupe vne partie & du Midy l'Esclauonie, c'est aujourd'huy l'Hongrie, par la Hare d'Hercules, faut entendre la Mesopotamie qui est vne terre de l'Asie ou la Hare d'Hercules est assise.

B.

L'on dit aussi que Iule Cesar a esté des premiers
 entre tous les Monarques du monde qui furent mis au
 rang des diuinitez, ainsi que Suetonne a remarqué en
 Auguste, lors qu'il a dit que les Images des Roys
 estoient depeintes dans les Temples leurs testes entou-
 rées de rayons du feu & d'estoilles pour nous appren-
 dre qu'il les falloit honorer comme des diuinitez,
 c'est ce que Lucan a remarqué plus particulièrement
 quand il dit

Fulminibus manes radiisque ornabit & astris

Inque Deum Templis iuravit Roma per umbras

Si les anciens Romains (pour telmoigner la gran-
 deur de leurs Roys, l'honneur & le respect qu'ils leur
 deuoient) faisoient depeindre leurs Images dans les
 Temples leurs Testes entourées de rayons de feu &
 d'estoilles, à plus forte raison deuous nous honorer
 nostre Roy qui nous a esté donné de Dieu, ainsi que
 l'Oracle a remarqué dans la Centurie quatriesme,
 Quatrain quatre vingt treize.

Vn Serpent veu proche du Liét Royal

Sera par Dame nuit chien n'abayeront

Lors naistra en France vn Prince sans Royal

Du Ciel venu tous les Princes verront

Il est certain qu'à mesme temps que le Roy fut
 nay, il fut veu vn petit Serpanteau dans la Chambre
 de la Reyne qu'on auoit apporté dans vn Fagot pour
 eschauffer les Linges du Roy, qu'il faut entendre
 par ces mots, *Vn Serpent veu proche du Liét Royal*, &
 à mesme temps que le Roy fut venu au monde, les
 Princes qui esperoit paruenir à la Couronne à cause

que la Reyne n'auoit point d'enfans, veu le long-temps
 qu'elle estoit mariée leur esperance fut perduë, qu'il
 faut entendre par ces mots, *nul chien n'abayeront*,
 c'est à dire qu'ils ny pretendront point dorefnauant,
 & par ces mots, *lors naistra en France un Prince tant
 Royal, Du Ciel venu tous les Princes verront*, c'est à dire
 que sa Majesté nous fut donné de Dieu, & de là on
 le nomma de Dieu donné.

Par le second aduertissement nous auons fait voir
 comme vne Lampe d'or de feu inexstinguible se doit
 descouuir pendant cette presente année dans la
 Ville de Tholose, par la ruine de certain bastiment
 qui tombera à cause d'vn grand deluge d'eau qui se
 doit faire par le débord de la Garonne qui passe
 dans Tholouse, ce deluge sera si grand qu'il ny a
 memoire d'homme qui l'ayt iamais veuë si grosse,
 laquelle fera vn si grand degast qu'vn certain pilier
 de l'Eglise saint Sernin de Thoulouse en tombera,
 sous lequel se trouuera certain grand Tresor, ainsi
 que l'Oracle a remarqué par la Centurio neuuesime
 Quatrain trente sept, cette ruine sera si grande
 qu'vne partie des Moulins qui sont proche la porte
 saint Michel en tomberont, comme aussi le Pont
 qu'on appelle de saint Subra & plusieurs autres edi-
 fices, comme nous auons remarqué par le second ad-
 uertissement.

Pont & Moulins en Decembre versez

En si haut lieu montera la Garonne

Murs, Edifice, Toulouse renuersez

Qu'on ne scaura son lieu autant Masronne

Ce Quatrain estant de foy assez intelligible ny faudra point donner d'autre explications, il ny a que ce mot de Matronne, qui veut dire fort grosse, c'est vn mot Gaulois, de ce qu'anciennement on appelloit les femmes grosses Matronnées, ce mot de Matronne est composé de *Mater* & *onus*, *Mater* veut dire Mere, & *onus* gros fardeau, & de là est venu ce mot de Matronne pour dire grosse femme, & de là l'Oracle s'est seruy de cette Metaphore pour dire grosse.

Si la France a esté cy-deuant espuisée de plusieurs Tresors, l'Oracle luy fait esperer quelque recompense pour la remplacer d'une partie de ce qu'on luy a enlevé depuis vingt-deux ans que le Cardinal de Richelieu commença de faire passer les Monopolles en France, que l'Oracle appelle Tyrannie, par la Centurie septiesme, Quatrain treize, où l'Oracle fait voir aussi comme ledit Cardinal de Richelieu regna quatorze ans en Tyran lors qu'il dit

De la Cité Marine & tributaire

La teste raze prendra la Satrapie

Chasser sordide qui puis sera contraire

Par quatorze ans tiendra la Tyrannie.

Pour entendre ce Quatrain, il faut premierement sçavoir comme Messieurs les Rochelois ne souffroient point aucune imposition que ce qu'ils leur plaisoit donner, qui estoit vne espeece de reconnoissance qu'ils faisoit en qualité de François mais non pas en qualité de Sujets, par ce qu'en ce temps-là Messieurs de la Religion Pretenduë disoient nos Villes, comme s'ils fussent

sont

lent esté en Republique, de maniere que tout ce qu'ils donnoient au Roy estoit vne espece de tribut hommager, qu'il faut entendre par ces mots, *la Cité Marine & tribulaire*, & par ce que la Rochelle confronte la Mer, de là l'Oracle l'appelle *Cité Marine*.

Et par ce que Messieurs les Rochelois estoient les Chefs du party Religioneux ne voulant point souffrir aucune imposition comme les autres Sujets du Roy, le deffunt Cardinal de Richelieu homme de grande intelligence qui recompensoit tous ceux qui luy donnoient quelque bons aduis, fut aduertiy comme il pouuoit prendre la Rochelle par le moyen d'une Digue qu'on pouuoit faire pour l'investir, ledit Cardinal de Richelieu qui comprenoit tres bien toutes choses, trouua que cela se pouuoit faire, & de fait le mit en execution, la Digue faite, la Rochelle fut prise, sans auoir esgard au secours des Anglois, qu'il faut entendre par ces mots, *la teste rase prendra la Satrapie*, il faut entendre par teste rase le Cardinal, à cause de la Couronne qu'il portoit en qualité d'homme d'Eglise, pour *la Satrapie*, faut entendre la Rochelle, d'autant que ce mot de *Satrapie* est venu de certaine nation Turc qui estoit du costé de l'Afrique, la plus meschante & plus inique qui fut parmy cette nation, & de là les Romains appelloient les vieux Soldats bien experimentez au fait de la guerre, *Satrapes*, lesquels ils reseruoient pour donner la dernière attaque, pour cet effect ces Soldats demouroient au milieu de l'armée, pour secourir de toutes parts les jeunes Soldats quand ils estoient repoussez par les ennemis, & par ce que la Rochelle fut investie par

C

Mer à cause de la Digne & par terre, elle combattoit au milieu, & de là est venu le mot de *Satrapie*, que l'Oracle attribué à la Rochelle, & par ces mots, *Chasser soldide, qui puis sera contraire*, faut entendre les Anglois, d'autant qu'ils sont sortis du costé de l'Asie proche le Mont Caucase, lesquels comme nous auons dit par le second Aduertissement, retourneront quereller la France encore vne fois, qu'il faut entendre par ces mots, *qui puis sera contraire*, & par ces mots, *par quatorze ans tiendra la Tyrannie*, il faut entendre le deffunt Cardinal de Richelieu qui a gouuerné la France pendant quatorze ans, car depuis le siege de la Rochelle qui fut en uiron l'an vingt-huit iusques à l'année 1642. qu'il mourut, fait iustement quatorze ans qu'il regna en Tyran à cause des impositions qu'il mettoit sur le peuple, pour le Cardinal de present il ny a que sept ans qu'il regne, lequel nous a fait plus de mal en si peu de temps que ne fit pas l'autre en quatorze ans, le deffunt Cardinal auoit cela de bon qu'il reconnoissoit les personnes de merite, & par ainsi il fermoit la bouche à la médifance, & de fait on ne parloit iamais de luy qu'avec certaine crainte mais encores en cachettes iusques apres sa mort. Si la France a esté desolée iusques à present, c'est pour nos pechez, Dieu par sa grace retirera le bras de la iustice par l'intermise des bonnes gens qui le prieront, lequel gemit & souffre il y a long-temps, ie ne scay s'il faudra qu'il souffre encores pendant cette année, il y a quelque apparence suiuant les indices que le Ciel nous montre par la venuë de Mercure, comme nous auons dit ces iours passez, toutesfois il ne fera pas

tant de mal qu'il ne nous donne quelque Tresor, ainsi que l'Oracle a remarqué par la Centurie hui&iesme) Quatrain vingt-neuf.

Au quart pillier l'on sacre à Saturne

Par tremblement de terre & deluge fendu

Sous l'edifice Saturnin trouuée vrne,

D'or Copion ravi & puis rendu.

Cette grande Copion ou grande somme d'or que l'Oracle nous fait esperer par ce quatrain, doit arriuer à cause du grand deluge qui doit arriuer à Thoulouse par le débord de la Garonne, comme nous auons dit cy deuant, qu'on ne vit iamais si haut matronne, ce Tresor comme dit l'Oracle se doit trouuer dans vn pillier qui soustient l'Eglise saint Sernin de Thoulouse, qu'il faut entendre par ces mots, *Au quart pillier l'on sacre à Saturne*, lequel pillier sera ruiné & fendu pour cause du deluge d'eau & d'un tremblement de terre qui arriuera à mesme temps, qu'il faut entendre par ces mots, *par tremblement terre & deluge fendu*, & par ce que l'Eglise saint Sernin de Thoulouse est bastie dans vn lac & soustenuë par de pilliers, ce Tresor dont parle l'Oracle sera trouué dans le fondement dudit pillier qui est dans ledit Lac quand on le refera, qu'il faut entendre par ces mots, *Sous l'edifice Saturnin trouuée vrne*, il faut entendre par ce mot de *Vrne* vne cruche de terre, car c'est ainsi que les anciens appelloient les bouteilles de terre, & par ces mots, *d'or copion ravi & puis rendu*, c'est à dire que les Ouuriers qui trauailleront pour refaire ledit pillier, trouueront ledit Tresor, qu'ils enleueront mais apres on le luy fera rendre.

Or tous ces Tresors Messieurs quoy que grands, ne seront pas bastans pour subuenir à la necessité de la guerre, laquelle doit continuer iusques à l'année 1656. à cause dequoy il y en aura qui feront battre de monnoye de cuiure comme le Roy de France, & d'autres de monnoye de cuir, comme les Venitiens, par ce que leurs Tresors seront espuisées, mais pour conseruer le peu qu'il leur restera, seront contraints comme dit est de faire battre de monnoye de cuir, ainsi que l'Oracle a remarqué dans la Centurie septiesme, quatrain vingt-cinq.

Par guerre longue tout l'exice expuiser

Que pour soldats ne trouueront Pecune

Lieu d'or d'argent, cuir on viendra cuser

Gaulois airain, signe croissant de L. ne.

Vous voyez Messieurs par ce quatrain, il y a de l'apparence que la Paix se fasse de long-temps, ie sçay bien qu'on en parlera, comme ie voue feray voir, mais ce sera par tromperie, ainsi que l'Oracle dit par la Centurie sixiesme quatrain soixante-quatre.

On ne tiendra pache aucun arresté

Tous receuans yront par tromperie

De Paix & Tresue, terre & Mer protesté

Par Barcelonne classe pris d'industrie

On voit par ce Quatrain comme il se parlera de la Paix ou d'une Tresue laquelle ne sera pas gardée particulièrement par l'Espagnol, & par ce, que par le traicté qui se fera, sera dit qu'il sera permis de negotier par mer & par terre, & sous ombre de ce negocié, l'Espagnol fera vne puissante armée Naualle, yra à Barcelonne,
ou

ou il fera vn terrible plie bagage, c'est ce que l'Oracle a
remarqué encore de plus par la Centurie premiere,
Quairain 92. qui dit.

Sous vn la paix par tous sera clamée

Mais non long-temps pille & rebellion

Par refus ville, terre & mer entamée

Mort & captifs le tiers d'un milion.

Si la Paix nous est assurée par ce Quatrein, elle ne
sera pas de durée, il est vray aussi dit l'Oracle que celuy
qui rompra la Paix sera desmis de la plus grande partie
de ses estats, mais en telle sorte qu'il en sera despoüillé
& mis en chemise, ainsi que l'on verra par le Quatrain
cy apres, quand il dit, *Nud se verra en piteux desarroy.*

La Paix ou Trefue estant faite, le Roy de France li-
cenciera ses armées (comme de raison) de brant soula-
ger son peuple de la Tyrannie des gens de guerre, & là
dessus l'Espagnol prendra les aduantages pour surpren-
dre la Ville de Barcelonne, comme il a esté dit cy de-
uant, mais aussi il le payera en apres, par ce qu'on ne luy
fera pas quitté, quoy qu'il protestera de refaire la paix,
c'est ce qu'il fait voir par le Quatrain 22. de la Centurie
quatriésme, où il est dit.

La grand copie qui sera deschassée

Dans vn moment sera besoin au Roy

La foy promise de loing sera faussee

Nud se verra en piteux desarroy.

De maniere que Messieurs de Barcelonne penseront
à eux, la Paix ou Trefue estant faite.

Quand à la véritable Paix que nous pounons esperer
s'il en faut croire l'Oracle, se fera en l'année cinquante

D

six, par deux moyens, l'un pour cause de la guerre des Turcs, qui attaqueront toute l'Europe, particulièrement des Romains, Espagnols, Anglois & Imperiaux, les Venitiens luy donneront passage malgré eux, garde la Sicille, l'autre sera par l'intermise d'un grand mariage qui se fera de nostre Roy avec la fille d'Espagne par un stratageme tres-admirable que ie passeray sous silence, cette alliance estant faite, le Roy fera trembler les plus grands Monarques de l'Vniuers, ainsi que l'Oracle a remarqué par la Centurie quatriesme, Quatrain cinq.

Croix, Paix, sous un accompli diuin-verbe

L'Espagne & Gaule seront unis ensemble

Grand Clade proche & combat tres acerbe

Cœur si hardi ne sera qui ne tremble.

Or cette Paix tant desirée ne se fera pas, quoy que Londie, comme nous auons dit, qu'environ cent cinquante-six accomplie, ou asseurée en cinquante-sept, & à mesme temps ledit mariage, c'est ce que l'Oracle nous asseure par le sixain 19. de la onzieme Centurie qui dit

Six cens & cinq, six cens & six & sept

Nous monstrera iusques l'an dix-sept

Du Boutefeu, l'ire, hayne & enuie

Sous l'Oliuier d'assez long-temps caché

Le Crocodil sur la terre a caché

Ce qu'estoit mort, sera pour lors en vie.

A dire vray, il semble que ce sixain ne parle que du Turc, lequel commença d'attaquer les Venitiens en l'année 45. qu'il faudroit entendre par ces mots, six cens

& cinq, mais comme nostre Oracle a souuent diuersifié sa methode de parler, il se trouue fort ambigu, dautant que par le sixain vingt six de la onzieme Centurie, parlant de la mort du Cardinal de Richelieu qui fut en l'année quarante-deux, il dit six cens & six, de ce qu'il fait vn quatre & vn deux pour faire quarante-deux, & par ce que quatre & deux font six, il a dit six cens & six, en voicy les propres termes encores vn coup, si l'an six cens & six, n'est affligé d'une grand maladie, vous sçauiez comme il eut deux maladies dans la mesme année qu'il mourut, l'une à Narbonne, & l'autre à Paris, qu'il faut entendre par ces mots, *encore vn coup*, dautant que ce mot, *encore*, presuppose quelque chose semblable, auroit esté cy-deuant, c'est pourquoy il est fort difficile de descouuir le Genie de l'Oracle. Pour le surplus de nostre sixain, il nous fait voir comme nous aurons la Paix en ladite année cinquante-six, qu'il faut entendre par ce mot *Olinier*, & par ce mot de *Crocodil*, faut entendre, traistre, cruel, bourreau, dautant que la plus part de ceux à qui on a donné la puissance de terminer la Paix, ont esté comme Crocodils, lesquels nous la faisoient esperer, car il sembloit qu'ils compatissoient à nostre misere, & neantmoins ils faisoient leurs coups en derriere, ils la rompoient à mesme temps qu'ils voyoient que les Aduersaires y estoient disposées pour la receuoir, il en est de mesme du Crocodil, lequel feint de se plaindre comme si c'estoit vne personne humaine qui demande du secours, on court à cette voix plaignante, & à l'instant il vous deuore, combien de personnes de merite sont-elles mortes depuis qu'on a parlé

de la paix, nous pouuons dire avec verité que ceux qui en sont la cause, sont veritablement Crocodils, mais enfin l'Oracle nous fait esperer de faire resusciter la Paix qui est morte depuis l'année 1620. ou enuiron.

Si ie me suis vn peu estendu sur ce sujet, vous en sçau- rez les raisons auparauant que l'année se passe à mon grand desplaisir. Quand à ce que ie vous auois promis vous faire voir comme Monsieur le Cardinal Mazarin doit paruenir au plus haut degré de la Monarchie Chrestienne & dans le mesme pouuoir qu'il auoit pour la conduite des affaires de France, plusieurs en seront estonnez & moy le premier qui en parle, il faut que cela soit, on à beau dire cela ne sera pas, ie sçay bien que ce qui doit estre ne manquera iamais, l'Oracle le dit, ie le crois, si tu ne le veux pas croire, ie sçay bien que le temps t'en rendra certain malgré les enuieux, ce qui me fasche le plus, est que Mercure broüillera aussi bien l'esprit des plus grands que des plus petits, tout variera, voila pourquoy il ny aura point d'homme par l'vniuers, i'estime que tu sçais que l'homme est celuy qui ment le moins & qui tient parole de ce qu'il promet, c'est pourquoy ie ne pense pas qu'il y en ay pendant ce siécle.

Enfin il y aura tant de variations & changemens parmi les Peuples & grands Seigneurs, qu'ils tascheront de le surprendre les vns & les autres, ils ne manqueront pas de faire de grandes promesses, mais en vain, plusieurs trahisons se descouuiront, iamais on ne vit tant de Traistres pendus, Dieu vueille que le fort & la malice des Marcialistes qui ne pourront pas paruenir à bout de leurs trahisons ne iettent leur malice sur les innocens

innocens

innocens, ainsi que l'Oracle nous menace par la Centurie neuuesime Quatrain cinquante-deux, quand il dit, *Sang innocent par terre, & ce sera de France à toute bande*, celuy là sera bien heureux qui pourra dire (ie suis) combien de traits de passe passe se iouëront cette presente année, Mercure fera passer l'Egypte en France, la Dance de Maquebré sejournera souuent, qu'enfin il ny aura rien de certain, on ne vit iamais tant de voyagers ny de pelerinages qui se feront les vns *ad bona* & les autres *à malo*, *Dieu tout puissant nous garde des malins.*

Quoy que la France soit menassée de beaucoup de malheurs par l'absence du Cardinal Mazarin, neantmoins elle remontera sur Buffefal comme vn second Alexandre pour combattre & dompter les ennemis de son Estat, si les Romains scauoient ce qu'il leur doit arriuer, ils ne voudroient iamais auoir pensé choquer la France, d'autant qu'elle doit estre vn iour leur restaurateur, l'Angle rempera par terre & costoyera le riuage des Mers, apres que le Cocq aura esté lassé à cause des grands combats qu'il aura soufferts pour la garde de ses Poules, il reprendra nouvelles forces au grand estonnement des Romains, l'Empire commencera à desheoir, & le Cardinal reprendra ses premiers desseins contre les Romains? si la France & le Cardinal sont des-vns, & la France avec la Romaine, nous verrons dans peu de temps d'icy vne grande Metamorphose, c'est que la France, la Romaine & le Cardinal Mazarin, seront trois testes dans vn bonnet. i' scay bien que le Cardinal aura du pire pour vn temps, ainsi que ie vous feray voir par

E

la figure de sa Natiuité, reuolution de cette année & de l'année suiuiante qui sera la 49. année de sa Natiuité, par laquelle il est menassé de beaucoup d'inquierudes, falcheries, perte de biens, vindications & risqué d sa personne, tant par terre que par mer, enfin 'il ne trouuera aucun lieu certain pour sa demeure, il voyagera souuent pour cause de méfiance, mais enfin ces deux années passées [si Dieu le veut ainsi) toutes choses luy seront prosperées, en telle sorte qu'il paruiendra au plus haut degré d'honneur Ecclesiastique, s'il en faut croire l'Oracle, premierement il vous dit par le Quatrain quatriesme de la huitiesme Centurie, *que le Cardinal de France apastra*, c'est à dire qu'il sera Pasteur de l'Eglise, ce mot d'*apastra* se peut aussi attribuer à vn Euelque, mais quand l'Oracle dit le Cardinal de France, il ne se peut attribuer à nul autre que au Cardinal Mazarin, dautant qu'il a esté fait Cardinal par la France, que si l'Oracle eut entendu parler d'vn Cardinal François y en ayant eu plusieurs, il auroit nommé par son nom propre celuy pour lequel il auroit entendu parler, ou bien par certains termes pour le distinguer des autres, ainsi qu'il a fait par la Centurie onzieme, sixain 26. *quand il a parlé du Cardinal de Richelieu, il a dit deux freres sont de l'ordre Ecclesiastique, dont l'un prendra pour la France la pique &c.* de maniere que Monsieur le Cardinal de Lyon estoit son frere, & le Cardinal de Richelieu estoit celuy qui protegeoit la France, qu'il faut entendre par ces mots, *dont l'un prendra pour la France la pique*, dautant que ce mot de pique veut dire deffence & protection metaphoriquement parlant, ainsi que

l'Oracle a accoustumé de parler, si bien qu'il faut aduoüer que l'Oracle entend parler du Cardinal Mazarin, quand il dit par le susdit Quatrain, *le Cardinal de France apastra*, ce n'est pas tout, il en dit bien encores dauantage, ainsi que nous verrons cy-apres, quand au surplus du Quatrain, l'Oracle fait voir comme le Prince de Mourgue est donné à la France, pour cét effet il remit la place & forteresse de Mourgue sous l'obeyssance du Roy, qu'il faut entendre par ces mots, *dedans Monech le Coq sera receu*, il faut entendre par Monech, Monacho, & par le Coq la France, dautant que ce mot de Coq deriue de Gallus, pour dire vn Coq, & de là est venu le mot de Gallia pour dire la France, c'est vn mot que les Estrangers ont donné à la France, de ce que les François sont semblables au Coq, qui ne se contente pas d'vne seule Poulle, ny la plus part des François d'vne femme, & comme le Coq est vn animal graue & audacieux pour la protection de ses Poulles, les François en font de mesme pour la protection des femmes, pour lesquelles il exposent fort facilement leur vie, pour le surplus du Quatrain, il est dit comme les forces de France se renforceront, & celles de l'Empire s'affoibliront, qu'il faut entendre par ces mots, *foiblesse à l'Aigle, & force au Coq naistra*, il arriuera aulli que le Cardinal fouruera le Pape ou le Legast, quand il sera vne fois dans Auignon, qu'il faut entendre par ces mots, *par legation Romain sera deceu*.

Ce n'est pas par ce seul Quatrain que l'Oracle nous fait voir comme le Cardinal doit paruenir à ce grand degré de la Monarchie Chrestienne, c'est par le Qua-

train 57. de la sixiesme Centurie, qui dit
Celuy qui estoit bien auant dans le regne
Ayant chef rouge proche à la Hierarchie
Aspre cruel & se fera tant craindre
Succedera à sacre Monarchie

Par ce Quatrain, l'Oracle fera creuer de rage les ennemis du Cardinal Mazarin, quand à moy ie n'en puis.

Mais croyez-le si vous voulez, ie scay bien qu'il y a long-temps que le Cardinal est en credit en France, à tout le moins depuis le premier siege de Casal qui fut enuiron l'an 1629. que le Pape Urbain l'enuoya en Piedmont pour terminer la paix entre les deux Couronnes pendant ledit siege de Casal, & par ce qu'il donna certains aduis, qui reussit à l'aduantage de la France on le creut habille homme, ce fut la cause qu'on le retint en France & fut du depuis occupé aux affaires d'Italie, iusques à la mort du deffant Cardinal de Richelieu qu'il faut entendre par ces mots, *Celuy qui estoit bien auant dans le regne*, il nous le depeint encores par *Physionomie*, quand il dit, *ayant chef rouge*, de ce qu'il a le poil blond tombant sur le rouge, quoy que maintenant il commence à grisonner, à cause de son aage & des soins infatigables dont il est comblé par son mauvais meynage qui le font troter à pas comptez, & par ces mots, *proche à la Hierarchie*, il l'entend de ce qu'il est Cardinal, & par consequent proche à la Papauté, d'autant qu'il faut premierement estre Cardinal pour paruenir à la Papauté, mais par les dernieres parolles de ce Quatrain, l'Oracle nous le fait voir comme vn second Pape Ciste, & duquel on en fit ce Prouerbe, *Pape Ciste*

non pardomana Christo, mais ce Cardinal icy en fera bien de plus pire, quand il dit, *aspre, cruel, & se fera sans craindre, succedera à sacre Monarchie*, apres cela que dirons-nous, faudra-t'il que telle Eugene nous domine, si Dieu le veut il le faudra souffrir, toutesfois ie ne crois pas qu'il fasse tout ce que l'Oracle nous propose, il est vray quand le monde est endiablé & qui ne se veut pas conuertir, Dieu luy enuoye vn plus grand Diable pour les dompter, quand à moy ie croy que Dieu nous l'a enuoyé pour nos pechez.

Neantmoins apres toutes ces cruautez, l'Oracle nous fait voir que estant paruenu dans la Monarchie Chrestienne, il joindra ses armées avec celles de nostre Roy, pour lors il se parlera de luy par tout l'Vniuers, c'est pourquoy nous pouons dire qu'il ne se detachera iamais des affaires de France que par la mort, il doit encore gouverner le Roy, ainsi que l'Oracle a remarqué par la Centurie onziésme, sixain quinze, quand il dit.

*Nouveau Esleu Patron du grand Vaisseau
Verra long-temps briller ce clair flambeau
Qui sert de lampe à ce grand territoire
Et auquel temps, armes sous son nom
Jointes à celles de l'heureux de Bourbon
Leuant, Ponant & Couchant sa memoire.*

L'on voit par ce Quatrain comme le Cardinal doit de rechef gouverner la Majesté, ainsi que nous auons dit cy-dessus, qu'il faut entendre par ces mots, *Nouveau Esleu Patron du grand Vaisseau*, il faut entendre par le grand Vaisseau, le Roy à la distinction de Monsieur le Duc d'Anjou son frere, de ce que la ville de Paris a pour

armes ou diuise vn Vaisseau, & comme le Roy en est le chef il entend parler de luy par cette Metaphore, & par le mot de *Patron*, faut entendre le Cardinal, de ce que celuy qui gouuerne vn Nauire est appellé d'ordinaire *Patron*, pour dire mettre ou gouuerneur du Vaisseau, & par ce que l'Oracle se sert de ce mot *Nouveau esleu Patron du grand Vaisseau*, il entend que le Cardinal sera de nouveau admis au gouvernement du Roy & des affaires de France, & en suite il doit paruenir dans la Monarchie Chrestienne, pour lors il joindra ses armes avec celles de sa Majesté, qu'il faut entendre par ces mots, *auquel temps armes sous son nom, jointes à celles de l'heureux de Bourbon*, pour lors il fera entendre sa renommée par tout l'Vniuers, qu'il faut entendre par ces mots *Leuant, Ponant & Couchant sa memoire.*

C'est vne chose merueilleuse quand ie viens à considerer les moyens & les voyes que le Cardinal tiendra pour paruenir dans la Monarchie Chrestienne, mais de moyens terribles & tres espouuantables, que la guerre luy fournira, par la ruine de la Ville de Rome pour cause des Turcs qui l'assiégeront dans peu de temps d'icy, Dieu vueille que ce ne soit pas l'année qui vient, tant y a que sa plus grande fortune luy doit arriuer par les armes & par la ruine d'vne partie de l'Italie, ainsi que l'Oracle a remarqué dans ses Propheties ainsi que nous ferons voir cy-apres, comme aussi par la figure generale de sa Natiuité que nous expliquerons les iugemens de laquelle se conforment tout a fait avec les Propheties de nostre Oracle.

23

FIGURE GENERALE DE LA NATIVITE
 de lule Mazarin, qui est venu au monde le 14.
 Juillet 1602. enuiron les six heures & vn quart.
 apres midy.



L'on voit premierement Iupiter & Mars conjoins
 au plus haut du Ciel & dans la Maison Royale, maison
 de Venus & lieu d'exaltation de Saturne, & la partie de
 fortune coniointe à Saturne dans la maison de Mars en
 la onzieme maison, maison des amys. Venant à exagerer
 la teneur & situation de ses Planettes, il se trouue com-
 Iupiter & Mars le doiuent esleuer au plus haut degré

d'honneur & de gloire, tout de mesme qu'ils y sont placez, mais cette fortune luy sera enfin de cause mal-heureuse & à sa confusion, par ce que la partie de fortune se trouue conjointe à Saturne qui luy affoiblit sa force de cinq degrez & autres cinq degrez estant dans la maison de Mars, si Iupiter & Mars se trouuent dans la maison de Venus & le Soleil dans la maison de la Lune, nous pouuons dire que les femmes seront la cause de sa fortune, mais aussi nous pouuons dire que si les femmes luy procureront sa fortune, les femmes l'en demettront pour cause d'ingratitude, par ce que Iupiter & Mars sont dans la maison de l'exaltation de Saturne, lequel à cela de particulier qu'il esleue les personnes en grand honneur, & enfin de cause il le destruit & les fait succomber, mais d'autant plus, de ce que la teste de Meduse ou Algol quise trouue opposée à Saturne & qui à la mesme qualité & de Venus, il esleue les personnes dans les charges mais aussi il les destruit & les fait succomber.

Il a beau à se faire garder, car il ne sçauroit empescher qu'un iour ses domestiques ne luy fassent main basse, c'est ce qui se preiuge par la queue du dragon dans la sixiesme maison, laquelle luy donnera de mauuais & infideles seruiteurs, joint le costé gauche d'Orion conjoints à la Lune, qui nous fait dire comme nous auons dit cy-deuant, que les femmes luy procureront sa ruine aussi bien que sa fortune, & Dieu sur tout comme disent les Faiseurs d'Almanach.

L'Oracle nous a fourny de beaucoup de matiere pour vous entretenir, pour ce qui regarde la vie du Cardinal & ses menées qui sont de plus grand prix qu'on ne le sçauroit croire; sçachez que Dieu nous la donné pour un plus grand bien, s'il en abuse, il perira aussi bien que le Roy Saül, quoy qu'il ny ait pas de comparaison, d'autant que l'un se desespera & se tua luy mesme ayant esté abandonné de Dieu, mais celly cy fera la mesme fin que Neron duquel il est fort, ainsi que l'Oracle a remarqué dans ses Propheties, Centurie 2. Quatrain 97. & par la centurie 9. quatrain 76. que nous vous expliquerons au premier iour par la suite que nous vous donnerons avec les reuolutions de sa Natiuité de l'année presente & suivante, lesquelles ne different pas que de fort peu de chose, & par icelles nous verrons les menées qu'il tiendra qui seront tousiours en hazard de sa vie, mais la meffiance qui est la mere de seureré le conseruera.

F I N.